

## Šukar alen ko biblioteka ko Orebro!

Akate isi čhavorikane – hem phurikane lila ko pubut čhibja. Isi amen audio lila, kursia čhibjake, specialnikane drabarime lila, gazete hem spisania. Či te šaj te nabavine valjani tuke člansko karta. I člansko karta tani o temeli či te šaj te stvorine jekh konto hem te kulandine amare vebslužbe. Valjani tuke člansko karta či te kulandine e bibliotekakere kompjuterja hem wifi.

## Adžahar ka dobine jekh člansko karta

I jekhto člansko karta tani bizolovengiri. Či te dobine jekh člansko karta ja te menine o pinkodi mora te sikave legitimacia. Šaj te nabavine, te nabavine ko nevo hem te irane palal ko amare korkoro služibaskere avtomatia e člansko kartaja hem e pinkodea, ja e matično gendea hem e pinkodea. E čhaven telo 15 berš mora te ovel e starateleskiri dozvola či te šaj te nabavinel člansko karta. I odgovorno obaveza so ka semnaturakerelpe/popišinelpe taro o starateli isi ki amari vebrig.

## Nabavibaskoro vakti

E nabavibaskoro vakti tano normalno 28 dive. Isi izuzetko. Ko rezervaciakoro redo e nabavibaskoro vakti tano pokratko. O datum iranibaske dikhea ki beleška keda nabavinea.

## Nabavibe ko nevo

Te niko na adžikerela ko redo ko odova so nabavindžan šaj te nabavibe ko nevo hembut 5 far.

## Rezervacie

Keda rezervirinea jekh lil dobinea jekh haberi prekal SMS, e-pošta ja lil keda šaj te ljelpe. Bizolovengoro tano te rezervirinelpe. Šaj te le odova so rezervirindžan ki korkoro odbirimi narodno biblioteka ki opština.

## E nabavibaskere zahtevia

Bizolovengoro tano te nabavine.

Sakofar sian tu odgovorno či tle nabavime lila te iranenpe ko vakti.

O palaliranibaskoro datum dikhea ki bešelka keda nabavinea.

Šaj te nabavine hem te irane palal ki bilo savi narodno biblioteka ki opština. Te irandžan palal ko harinmo odova so nabavindžan, ja nabavindžan ko nevo ko harinmo, mora te pokjine harinbaskiri taksa - hem napomenakiri taksa:

Romani

Harinbaskiri taksa: 5 kr/dive hem primeroko bašo phurengere medie, čhavorikane filmia hem tv- kjeliba.

Napomenakiri taksa: 10 kr/napomena (hem e čhavengere medie)

Baši informacia avere taksenge dikh ki [bibliotek.orebro.se/avgifter](http://bibliotek.orebro.se/avgifter)

Tu sian dužno materialeskere nadoknadake so ulo uništimo ja so na irandžape palal.

Tu korkoro sian odgovorno tle anaveskere informaciengere hem avera informaciengere sar soj i adresa, mejl hem o mobilno gendo tane aktuelno.

Tu sian odgovorno bašo sa o nabaviba so kjerelape tle kartaja. Odoleske tano važno te na pozajmine tli karta avereske. Saopštin e biblioteka te našavdžan tli člansko karta či te šaj te blokirine ola.

O starateli tano odgovorno e čhavengere nabavibaske.

Kompletno nabavibaskere zahtevia isi ki [bibliotek.orebro.se/lanevillkor](http://bibliotek.orebro.se/lanevillkor)

I biblioteka kheraldan - [bibliotek.orebro.se](http://bibliotek.orebro.se)

Akava šaj te kjere:

Rode ko amaro katalogo, šun ja perav e – lila hem muzika, poručiba duraldan hem preplata bašo e bibliotekakoro lil.

Te dikhe so ovela ki biblioteka – vekeribe paramisia, hramnoskiri vizita hem panda.

Hramonibe lileskoro obavestibe hem temaartiklia e čhavenge, ternenge hem e pophurederege.

Dža ki amari kompjutereskiri rig te šaj te hramone gazete taro avera phuvja soj tane delime ko skoro 50 čhibja. Šaj isto te rode fakta bašo hramne/pisatelja, phuvja, fondia hem stipendie.

Phrav konto ki bibliotekakiri vebrig či korkoro te šaj te rezervirine, te nabavine, ko nevo te nabavine e bibliotekakiri media hem te pokjine te borčia.